

修成略説

特 67

380

014112-000-6

特 67-380

修成略説

那波 筑波 / 編

M18

ABB-0385



修成略說

380

明治十八年十月三日

# 修成略說

神道修成派

少教正那波筑波編輯

天地未剖之前。有天之神。御中主神

高皇產靈神。皇產靈神。創造天

地。故稱之造化三神。是時大地漂

蕩。未生人民育萬物。三神使伊邪  
那岐神伊邪那美神修理固成此  
大地。二神乃執瓊矛。自天探而獲  
滄溟。其鋒滴凝成一島。二神降而  
居焉。有所經營。產八百萬神。且造

萬物。是爲我大日本國。尋及四方。  
於是修理固成之功成矣。由是觀  
之。天地萬物莫不自三神出者也。  
又莫非三神之所管轄也。而人也  
者。稟三神純粹之氣。其性善而靈。

是以爲萬物之長矣。要之三神之於天地萬物。其保護莫所不至。猶邸第中之木石蟲魚。主人保護之。然木石蟲魚之無智。不知有其主人也。人之無學者。亦不知有三神

之保護。則與木石蟲魚奚異。豈不哀乎。我師夙有聰明睿知之德。知天地萬物之自三神出。而人受三神之保護。又憂人之不知之。於是慷慨奮發。以敷斯道於宇內。爲已

任。是我修成道之所以興也。

○三神長爲天地萬物之主宰。雖須臾之間。三神不爲之主宰。則天地萬物消滅無遺矣。我輩在天地間。與萬物生存于世者。乃賴三神

之功德也。豈惟生前受其主宰。死後亦受其主宰。故我道以三神爲主神。而伊邪那岐神奉三神之命。修理固成此大地。天照大神有光華明彩之德。照徹六合。其功也大。

矣。故以二神次之。是稱五柱天神。

我邦之昔。數神名之時曰柱。

而八百萬神各有

所分掌。以輔佐五柱天神。故列八百萬神於其次。以爲我道之祭神焉。自古宇內有各宗教。或奉一神。

或尊衆神。要之無本末無條理。徒假神以營私耳。我道三神爲主神。二神次之。八百萬神又次之。猶君主在上而握大權。百官輔佐之。有本末有條理。宇內之人不可不奉。

我道也。

○人之所以生于世者。何爲行道也。夫人無衣則凍。無食則飢。故營衣食。亦爲行道也。是以保食神啓衣食之源。人宜思之。而世之人遊

惰奢侈。不營衣食。失其資產者多矣。雖其以教自任者。亦同俗媚世以爭利。竟不免識者之誹也。我道欲使宇內之人富且知道。故其所教者。在於勉業殖財。節用守儉。以



借身四詩  
全至善之性。是乃修理固成之道也。宇內之人。豈可不率由哉。

○人而不行道。則非人也。貌人而心獸也。天神欲人之行道。冥冥之中。常加保護。莫所不至。若不行道。

則受天神之譴怒。豈可不畏哉。天神不言。故我道代天神以教人。救世。苟畏天神者。當奉我教矣。夫人之魂。稟三神純粹之氣。故我魂與三神無有異焉。而形骸之慾壅蔽。

其善性。以至行惡也。故儉以禦形  
骸之慾。使人復其本。夫魂之在一  
身。猶君主。手足耳目鼻口。猶臣隸。  
臣隸肆權。則其邦亂。君主執權。則  
其邦治。一身亦然。心魂驅使手足

耳目鼻口。則為正人矣。手足耳目  
鼻口肆其慾。則為惡人矣。我道之  
要在使心魂為主。執大權以驅使  
百體。為正人而已矣。

○樹有枝有葉。其葉之數不可勝

算也。葉出于枝。其枝之數亦不可勝算也。枝出于幹。今欲知樹之數。惟數枝與葉而遺其幹。不惟不堪其煩。竟不能知樹之數也。古今字內說教者。概不能溯道之源而立

言。使人惑所之。猶欲數樹而徒數其枝葉。是不知其本也。我教則昉于神勅。修理固成焉。抑修理固成之一言。乃如樹之幹。萬事莫不出於修理固成。父子之親。則修理固

成親子之間也。夫婦之配則修理  
固成男女之間也。朋友之信則修  
理固成人民之間也。夫修理固成  
之功積至於是。其人去形骸之慾。  
而其魂與三神殆不異也。乃其人

意誠心正可知矣。意既誠心既正。  
則家齊可知矣。家齊則邦當治矣。  
故曰。萬事莫不出於修理固成也。

修成略說終

附錄

我道造化三神。儒稱之上帝。我道  
 高天原。儒稱之天。我道以水火木  
 金土之五神與保食神為別祭神。  
 儒亦水火金木土穀稱之六府。我

道士神保食神。則儒之社稷也。我  
 道置神祭所靈祭所。則儒之郊以  
 祭天廟以祭祖也。我竈神。儒之竈  
 也。我邦與漢土水土人質相肖。故  
 其教亦有暗合者焉。而修理固成

之神勅存于我邦。儒教之源蓋出於我邦。是以漢土之人亦不可不奉我道也。

○凡人於其祖先稱幾世之祖某靈神以祭之。總之稱祖先何十世

靈神而祭之。若不知祖先之姓名。則單稱何氏之祖靈而祭之。禽獸者既長而忘其親。況於其祖乎。人而忘其祖。則豈不異于禽獸哉。雖自造化三神之靈稟其心魂。我身

體之血氣固受于其父祖。豈人而可忽之哉。

○顯幽一理也。故知顯界之理。則知幽界之理。顯界上有帝王。中有百官。下有人民。幽界亦然。上有掌

幽事之主神。中有輔之之神。下有受之所轄之靈。雖聰明者一具人。體則不能視其狀也。是顯幽之所以分隔也。西洋之說教者。不知有此理。單說天帝。且曰。天帝愛耶蘇。

何用甲書  
故拜耶蘇。不拜天帝而可也。是私  
于一耶蘇。而忽天帝也。忽天帝則  
忘其本。猶禽獸之不知其親也。噫  
西洋之教。反我道。何太甚也。

○漢土之昔。有司徒之官。掌教人

道。後世此官廢矣。今宇內各國之  
政。唯執法縛人之軀體而已。以道  
教人。則托之于宗教。而不疑。夫宗  
教正邪混淆。害世欺人。或多矣。我  
師憂之。嘗創修成道。自稱大司徒。



以敷斯道于海之內外為已任。其  
舉也偉矣。其稱司徒。非奉漢土之  
教之故。蓋寓立人民之  
上而掌教人  
道之意耳。

明治十八年九月一日御届

定價八錢

群馬縣上野國那波郡上之宮村廿九番地

編輯人 少教正那波筑波

東京本郷區駒込西片町三番地寄留

出版人 少講義山田龜一郎

